



Avannaata  
Kommunia



## SIUNNERSUUT

Tamanut ammasutut tusarniaaneq  
23.11.2020 – 06.12.2020

## Kullorsuup eqqaa

Assartuutit motorinik ingerlatillit nunaannarmi atorneqarneri pillugit ileqqoreqqusaq

## KOLOFONI (Suliarisamut nassuiaat)

Avannaata Kommuniani ukiuunerani Kullorsuup eqqaanni assartuutit motorinik ingerlatillit nunaannarmi atorneqarneri pillugit ileqqoreqqusaq

Ileqqoreqqusanut siunnersuutit Ilisimatusarnermut Avatangiisinullu Naalackersuisoqarfimmi misissorneqarput piffissami 24.03.2020 – 02.10.2020-mi

Ileqqoreqqusanut siunnersuutit Teknikkimut Ataatsimiititaliami ulloq 06.11.2020-mi akuerineqarallaput

Ileqqoreqqusanut siunnersuutit Aningaasaqarnermut Ataatsimiititaliami ulloq 12.11.2020 akuerineqarallaput

Ileqqoreqqusanut siunnersuutit tamanut ammasumik tusarniaassutaapput piffissami 23.11.2020-06.12.2020-mi

Ileqqoreqqusanut siunnersuutit Ilisimatusarnermut Avatangiisinullu Naalackersuisoqarfimmi misissoqqinneqarput, kiisalu inatsisilioriaatsikkut eqqortuuneri misissorneqarlutik piffissami xx.xx.2020-xx.xx.2020-mi

Ileqqoreqqusanut siunnersuutit naqqissukkat Teknikkimut Ataatsimiititaliami akuerineqarput ulloq XX.XX.2020

Ileqqoreqqusanut siunnersuutit naqqissukkat Aningaasaqarnermut Ataatsimiititaliami akuerineqarput ulloq XX.XX.2020

Ileqqoreqqusanut siunnersuutit naqqissukkat Kommunalbestyrelsimi akuerineqarput ulloq XX.XX.2020

Ileqqoreqqusat akuerineqartut Suliffeqarnermut, Ilisimatusarnermut Avatangiisinullu Naalackersuisumit ilisimatitsissutgineqarput ulloq XX.XX.2020

Maalaarutit, oqaaseqaatit allannguutissatullu siunnersuutit kommunimut tunniunneqassapput.

Akissutit Pilersaarutinut nittartakkami tusarniaanermut nittartagaq, sumiiffigisami Sullissivik aqqutigalugit toqqaannartumik tunniunneqarsinnaapput, imaluunniit kommunimut nassiunneqarsinnaallutik.

Tusarniaanermut akissutit tusarniaanermut piffissaliussap iluani tunniunneqassapput, kingusinnerpaamillu ulloq 06.12.2020

Ilasutissatut paasissutissiissutit:

### **Avannaata Kommunია**

Rådhusi

Postboks 1023

3952 Ilulissat

[hha@avannaata.gl](mailto:hha@avannaata.gl)

Oq. 387676

Aamma takuuk: <http://plania.avannaata.gl/>

[http://plania.avannaata.gl/gl/ileqqoreqqusat\\_malittarisassallu/](http://plania.avannaata.gl/gl/ileqqoreqqusat_malittarisassallu/)

Saqqaanii assilisaq Visit Greenlandimik isumaqateqarnikkut atorneqarpoq, assiliisorlu tassaavoq Filip Gielda



**Avannaata Kommuniani ukiuunerani Kullorsuup eqqaanni assartuutit motorinik ingerlatillit nunaannarmi atornerqarneri pillugit ileqqoreqqusaq**

Assartuutit motorinik ingerlatillit atornerqarneri pillugit Namminersorlutik Oqartussat nalunaarutaat nr. 10, 10. oktober 2013-imeersumi § 6, aamma § 7 imm. 2, § 9, imm. 1 aamma § 12 naapertorlugit aalajangersarneqarpoq (B10-2013).

Atuuffissai il.il.

- § 1.** Avannaata Kommuniani Kullorsuup eqqaanni assartuutit motorinik ingerlatillit nunaannarmi atornerqarneri pillugit ileqqoreqqusaq una atorlugu aqutissat aamma ingerlaarfissat killeqarfiisa toqqarneqarnerinut malittarisassat aalajangersarneqarput.
- a) Kullorsuup eqqaaniippot Nuussuaq Kullorsuarlu. Nunaannarmi killeqarfia nunap assinganut ilanngussaq 1-imiiippoq.
- Imm. 2. Ileqqoreqqusami matumani nunaannarmi nunaminertat pineqartut tassaapput kommunimut pilersaarummi illoqarfiup nunaqarfiillu avataaniittut.
- Imm. 3. Imartat, kangerluit, kuuttut tatsillu sikusarnerisa nalaani nunaannarmut ilaatinneqarput.
- Imm. 4. Ileqqoreqqusami Sermersuarmut iigartartunullu Sermersuarneersut kiisalu Pituffeersunut atuutingilaq.
- § 2.** Motorinik ingerlatillit ileqqoreqqusami pineqartut tassaapput angallatit motorillit sulluunniit sikukkut, aputikkut, qaqqakkut nunaannakkullu ingerlasinnaasut, matumani ATV-t, illiniliuutit qamuteralaallu ilanngullugit.
- § 3.** Atuisussaatitaanermik nalunaaruteqartariaqartumik aqqusinerni, unittarfinni narsaatinilu il. il. angallanneq, pilersaarusiornermut inatsit naapertorlugu, ileqqoreqqusami matumani atuutingillat.
- Imm. 2. Nakkutilliinermut oqartussaasut avatangiisinik pinngortitamillu nakkutilliinerannut, annaassiniarnerannut, politiit misissuinerannut, illersornissaqarfiup suliaqarnerannut assigisaannullu tunngasut ileqqoreqqusami matumani atuutingillat.
- Imm. 3. Sumiiffinni, angallatit motorinik ingerlatillit atorlugit angallannermut inatsisit allat aqutigalugit maleruagassiuiffiusuni, maleruagassiat sukkulluunniit killilersuiffiunerusut atuutissapput.

Nunaannarmi motorinik ingerlatilinnik atuineq

- § 4.** Nunap assinganut ilanngussaq 1-iip kiisalu KUL-1-2-p aqutissatut ingerlaarfissatullu nalunaaqutsersimasat avataanni assartuutit motorillit atoqqusaanngillat.
- Imm. 2. Aqutissatut ingerlaarfissatullu nalunaaqutsersimasuni angallatit motorilinnik ingerlaneq aalajangersakkat tullinnguuttut taamaallaat naapertorlugit pissapput:
- a). Ukiuunerani motorilinnik ingerlasarneq taamaallaat 1. oktobarip 31. maajillu akornani pisinnaavoq.
- b). Angallatit motorillit nunakkoortillutik ajutoorsimassappata, naggorissutsimut nunamullu uuliakooratarsinnaaneq imaluunniit orsussamik aniasooratarsinnaaneq pitinnagit peerneqassapput. Angallatit motorillit Kommunalbestyrelsimit peeqquneqareernerisa kingorna peerneqanngippata, piginnittup akiligaanik Kommunalbestyrelsimit peersinneqarsinnaapput.

Angallannermut ataatsimoortumik aalajangersakkat

- § 5.** Ukiuunerani angallatinik motorinik ingerlatilinnik atuineq taamaallaat pissaaq, nunap naqqa qerisimappat, aputeqarpat aamma naggorissutsimut nunallu naqqanut akornutaanngippat. Nunap qaava pukkinerpaamik apummik 7 cm manngersumik imaluunniit 20 cm aqitsumik qallerneqarsimassaaq.



- Imm. 2. Angallatinik motorimik ingerlatilinnik imeqarfiup killeqarfiata iluani angallanneq inerteqqutaavoq.
- Imm. 3. Imm. 1-imi aalajangersakkat imaani sikukkut, kangerlukkut, kuukkut tatsikkullu angallanneq atuutinngilaq.

**§ 6.** Nunaannarmi angalanermi naasunut aseruutaasinnaasumik sangupiloorfigineqsasannigilaq, aallarsarfigineqassannigilaq unipiloorfigineqassananiluunniit.

- Imm. 2. Kuuit sinaat uingarnillu kiisalu tatsit killingi, kuuit annerit kiisalu kangerluit ikaarneqartassapput, naasut nunallu ajoquserneqarfissarinngisaasigut.
- Imm. 3. Angallannermi naasut uumasullu eqqarsaatigineqassapput. Nunamik miluumasunillu illersuinermut piniarnermullu Inatsisartut nalunaarutaat atuuttut qaqugukkulluunniit malinneqassapput.
- a) Angallatit motorinik ingerlatillit atorlugit amaqqunik malersuineq inerteqqutaavoq.
- Imm. 4. Qimussit sapinngisamik qaninnerpaamik 10 meterinik ungasitsigisassapput.
- Imm. 5. Angallannermi aqqutit nunap assingatigut sapinngisamillu aqqutitigut nalunaaqtsersuinikkut kommunimit isumagineqassapput.

Immikkut ittumik akuersissutit

**§ 7.** Pisuni immikkut ittuni nunap assinganut ilanngussaq 1-ip kiisalu KUL 1-2-p avataani assartuutit motorinik ingerlatillit atorlugit aqqutissatut akuerisani angalanissamut kommunalbestyrelse immikkut ittumik akuersissuteqarsinnaavoq.

- Imm. 2. Immikkut ittumik akuersissuteqartoqarnissaanut qinnuteqaat tunngavilersugaq angalanissaq pilersaarutaasoq kingusinnerpaamik sapaatit-akunnerinik sisamanik sioqqullugu kommunalbestyrelsimit tiguneqarsimassaaq aamma nunaminertanik imaluunniit aqqutigisassanik takutitsiviussalluni.
- Imm. 3. Kommunalborgestrelse immikkut ittumik akuersissuteqarnermut atatillugu naapertuuttutut isigineqarsinnaasunik piumasaaqateqarsinnaavoq.
- Imm. 4. Immikkut ittumik akuersissutit Avatangiisinut Naalakkersuisumut ilisimatitsissutigineqassapput.
- Imm. 5. Imm. 1 aamma imm. 2 naapertorlugit akuersissutit sukkulluunniit kommunalborgestrelsimit imaluunniit Naalakkersuisunit allannortinneqarsinnaapput utertinneqarsinnaallutilluunniit, immikkut ittumik akuersissuteqarnissamut piumasaaqatit unioqqutinneqarpata, imaluunniit kommunalborgestrelsip Naalakkersuisulluunniit naliliinerat malillugu pissutsit pinngortitamut avatangiisinullu ajoqusiinnaasut pineqarpata.
- Stk. 6. Immikkut ittumik akuersissutit ukioq ataaseq tikillugu tunniunneqartarsinnaapput.

Nakkutilliineq il.il.

**§ 8.** Kommunalborgestrelsip nalunaarummi uani malittarisassat malinneqarnersut nakkutigissavaat.

- Imm. 2. § 5-imi, imm. 1 aamma 2 angalanermut maleruaqqusat piffissap ilaani naammassineqarsimannigippata kommunalborgestrelse inerteqquteqarsinnaavoq peqqussuteqarsinnaallunilu.
- Imm. 3. Peqqussutit tassaasinnaapput angallaviit aalajangersimasut atorneqarnissaannik piumasaaqatit.
- Imm. 4. Inerteqqutit tassaasinnaapput sumiiffinni aalajangersimasuni piffissami aalajangersimasumi angallannerup tamarmi unitsinneqarnissaanik piumasaaqatit.

**§ 9.** Nalunaarut manna naapertorlugi aalajangikkat tamarmik Avatangiisit innarlitsaaliorneqarnissaat pillugu Inatsisartut peqqussutaanni nr. 9-mi, 22. november 2011-meersumi kapitali 14-imi malittarisassat naapertorlugit naammagittaallutigineqarsinnaapput.



Pineqaatissiinermut aalajangersakkat

- § 10.** § 4-mik, § 5-imik aamma § 6-imik unioqqutitsineq akiliisitsinermik aamma/imaluunniit arsaarinninnermik kinguneqarsinnaapput.  
Imm. 2. Piumasaqaatinik, § 7, imm. 3 naapertorlugu aalajangersarneqartunik unioqqutitsineq akiliisitsinermik kinguneqarsinnaavoq.  
Imm. 3. § 8, imm. 2-4 naapertorlugit peqqussummik imaluunniit inerteqqummik unioqqutitsineq akiliisitsinermik kinguneqarsinnaavoq.  
Imm. 4. Ileqqoreqqusatigut akiliisitsinermik kinguneqartitsinermi, Kalaallit Nunaanni pinerluttulerinermi inatsimmi malittarisassat malillugit inatsisitigut pisinnaatitaasumut akisussaatinneqarsinnaapput.  
Imm. 5. Imm. 1-4 naapertorlugit akiliisitsissutit Nunatta Karsianut nakkartinneqartassapput.

Atuutilerfissaq

- § 11.** Ileqqoreqqusaq una Suliffeqarnermut, Ilisimatusarnermut Avatangiisinullu Naalakkersuisumit atuutilersinneqarnerata kinguninngua atuutilersinneqassaaq.


Avannaata Kommuniani Kommunalbestyrelsimit akuersissutigineqarput, ulloq \_\_\_\_\_

\_\_\_\_\_  
Palle Jerimiassen  
Borgmesteri

Ileqqoreqqusat akuerineqartut Suliffeqarnermut, Ilisimatusarnermut Avatangiisinullu Naalakkersuisumit ilisimatitsissutigineqarput ulloq XX.XX.2020

Nunap assinga ilanngussaq 1,	Imm. arfineq-marluk ilanngullugit Avannaata Kommunianut takussutissaq.
Nunap assinga ilanngussaq KUL-1,	Nuussuup eqqaani nunaannaq
Nunap assinga ilanngussaq KUL-2,	Kullorsuup eqqaani nunaannaq





**ILISARNAATIT TAKUSSUTISSARTAI  
SIGNATURFORKLARING**

	Imeqarfimmut killeqarfik - inertequtaavoq Vandspærrezone - kørsel forbudt
	Illoqarfiup nunaqarfiullu killeqarfii By- / bygdegrænse
	Nunaannaq/aqqu - inertequtaangilaq Åbent land/kørezone - kørsel tilladt
	Imaq, kangerluit, kuuk tatsillu - inertequtaangillat Hav, fjorde, elve og søer - kørsel tilladt

Nuussuaq


Avannaata Kommunia	
Sulliaq	Ukiuunerani assartuutit motorinik ingerlatillit nunaannarmi atorneqameri pillugit ileqqoreqq
Sag:	Vedtægt om anvendelse af motoriserede befordringsmidler i det åbne land for vinterkørsel
Sammisag	Nunaannarmi motorinik ingerlatillit pillugit ileq, Nuussuup eqqaani nunaannaq
Ernne:	Vedtægt for motoriseret kørsel i det åbne land, Det åbne land omkring Nuussuaq
Ullaq / Dato:	23.11.2020
Nunap assinga ilanngussaq nr.: / Kortbilag nr.: KUL-1	





**ILISARNAATIT TAKUSSUTISSARTAI  
SIGNATURFORKLARING**

-  Imeqarfimmut killeqarfik - inertequtaavoq  
Vandspærrezone - kørsel forbudt
-  Illoqarfiup nunaqarfullu killeqarfii  
By- / bygdegrænse
-  Nunaannaq/aqqu - inertequtaangilaq  
Åbent land/kørezone - kørsel tilladt
-  Imaq, kangerluit, kuuk tatsillu - inertequtaangillat  
Hav, fjorde, elve og søer - kørsel tilladt



Kullorsuaq

**Avannaata Kommunia**



Sulliaq	Ukiuunerani assartuutit motorinik ingerlatillit nunaannarmi atorneqarmeri pillugit ileqqoreqq	
Sag:	Vedtægt om anvendelse af motoriserede befordringsmidler i det åbne land for vinterkørsel	
Sammissaq	Nunaannarmi motorinik ingerlatillit pillugit ileq, Kullorsuup eqqaani nunaannaq	
Emne:	Vedtægt for motoriseret kørsel i det åbne land, Det åbne land omkring Kullorsuaq	
Ullaq / Dato:	23.11.2020	
Nunap assinga ilanngussaq nr.:	Kortbilag nr.:	KUL-2

